



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Epistolarvm Innocentii III. Romani Pontificis Libri Vndecim**

**Innozenz <III., Papst>**

**Parisiis, 1682**

P. Basilicae XII. Apostolorvm & B. Tituli sancti Petri ad vincula Presbyteris  
Card. ap. sedis Legatis.

**urn:nbn:de:hbz:466:1-20006**

# Romani Pontificis Lib. I. 9

duxerint proponenda diligentius veritate, tam principalem quam incidentes quæstiones, sublato appellationis obstaculo, fine canonico termineris, facientes quod exinde duxeritis statuendum per censuram ecclesiasticam inviolabilius observari. Si qua verò partium legitimè citara præsentiam vestram adire, vel judicio parere contempserit, vos nihilominus, quantum de jure poteritis, & probationes præsentis partis recipere & in cause cognitione ac decisione procedere non tardetis. Nullis literis obstantibus, si quæ apparuerint præter assensum partium à sede apost. impetrata. Quod si omnes &c. Datum Lateran. ij. Nonas Feb.

P. BASILICÆ XII. APOSTOLORVM  
& B. Tituli sancti Petri ad vincula Presbyteris Card. ap. sedis Legatis.

Epist. 11.  
Super colligationibus factis  
cum Episcopis & Consulibus  
civitatum Thuscie.  
Vide infra epist.  
14. & 35. huius  
libri.

**C**VM apostolica sedes quasi lucerna super candelabrum sit disposita, nec civitas possit abscondi, quæ supra montem est constituta; nos, qui ei, licet immeriti, præsidemus, diligenter debemus cura satagere, quatenus luceat lux nostra coram hominibus, ut videntes opera nostra bona, glorificant patrem lumen, à quo bona cuncta procedunt. Nos enim debemus esse sal terræ. Quod si sal evanuerit, in quo salietur? Ad nihilum valet ultra, nisi ut foras emissum, ab hominibus conculcerit. Absit igitur à sedis apostolicæ puritate, ut, cùm Deus virginem peccatoris non dereliquerit super sortem iustorum, ad colligationes illicitas cum operantibus iniquitatem declinet: quin potius dissolvat colligatio-nes impietas, solvat fasciculos deprimentes. Sanè cùm dilectus filius Prior sancti Fridiani nobis & fratribus nostris tractatum illum, quem cum Episcopis & Consulibus civitatum Thuscia habuisti, & verbis exposuisset, & ostendisset in scriptis, non modica sumus admiratio-ne commoti; cùm forma colligationis hujusmodi in plerisque capitibus nec utilitatem continueat, nec sapiat honestatem. Immo cùm Ducatus Thuscia ad ius & dominium Ecclesie Rom. pertineat, sicut in privilegiis Ecclesie Rom. oculata fide perspeximus contineri, nullam inter se sub nomine societatis colligationem facere debuissent, nisi salvo per omnia jure pariter & auctoritate sacro-sanctæ Rom. sedis, quæ disponente

Domino cunctorum fidelium mater est & magistra. Cum & illud debuissent at-tendere, quod infirmum erit penitus adi-ficium quod super hoc fundamentum non fuerit stabilitum. Quocirca discre-tionem vestram rogamus attentiūs, & exhortamur in Domino, quatenus, sicut viri prudentes & providi, ad profectum & honorem tam Ecclesie Rom. quam Thusciae sollicitius intendatis. Et ut vo-bis nostra voluntatis propositum elu-cescat, dilecto filio N. latori præsen-tium super his quæ vobis ex parte nostra duxerit præponenda, indubitate fide credatis. Nos enim firmum gerimus in voto propositum, à quo nec mors nec vita nos poterit separare, fideles & de-votos Ecclesie de corde puro, consci-entia bona, & fide non ficta diligere, & contra malignas opprimentium insolentias apostolicæ protectionis clypeo de-fensare. Datum Lateran.

## CAPITVLO S. ANASTASIAE.

**E**X illo singulari excellentiæ privi-legio quod unigenitus Dei filius IESUS Christus Apostolorum principi Petro concessit, sanctorum patrum post-modum instituta manarunt, ut majores causæ ad sedem apostolicam perferren-tur, quatenus quid super eis deberet sta-tui, circumspecta ipius responsio decla-rarer. Cùm igitur in Ecclesia vestra, quæ sub obedientia sedis apostolicæ per-severans, Græcorum haec tenus & ritum servavit & linguam, per laicalem po-tentiam præter nostram auctoritatem & electionem vestram non tam Latinus quam barbarus sit intrusus; Nos de fra-trum nostrorum consilio intrusionem ipsam irritam decernentes, ne diutius pastoris solatio vestra carerer Ecclesia, vobis humiliter postulantibus secundum statuta Canonum & antiquam ejusdem Ecclesie consuetudinem liberam concedimus licentiam eligendi; per apostolica vobis scripta mandantes, quatenus talem vobis in pastorem elec-tione canonica præferatis, qui non minus prodeesse desideret & noverit, quam præ-esse. Datum Lateran. viij. Id. Fe-bruarij.

CAPVANO, REGINENSI,  
& Panormitano Archiepiscopis.

**H**Is scriptam est in eundem ferè mo-dum ut supra, usque ad verbum il-

Epist. 17.

B

Epist. 18.  
Ut electus per  
potentiam lai-  
calem intrusus  
calleatur, & alius  
de licentia apo-  
stolica deliga-  
tur.